

নবী মোর পরশ মনি
কাজী নজরুল ইসলাম

নবী মোর পরশ মনি
নবী মোর সোনার খনি
নবী নাম জপে যে জন সেইতো দোজাহানের ধনী।।

নবী মোর নুরে খোদা
তার তরে সকল পয়দা
আদমের কলবেতে তারই নুরের রৌশনী।।

ঐ নামে সুর ধরিয়া
পাখী যায় গান করিয়া
ঐ নামে আকুল হইয়া ফুল ফোতে সোনার বরণী।।

চাঁদ সুর্য্য গ্রহ তারা
তারই নউরের ইশারা
নইলে যে অন্ধকারে ডুবিত এই ধরণী।।

নিদানে আখেরাতে
ত্বরিতে পুল সিরাতে
কাভারী হইয়া নবী পার করিবেন সেই তরণী।।